

Plenchi

Bèl a bati

Bèlèm bèlèm, tring tring, subi nos plenchi di skol pa nos por pasa un ratu kontentu.

Awaseru a bai manera largu, awor si nos meser kuminsá yamé ku mas insistensha. Matanan ta sklama i bestianan den mondi tambe pa poko awaseru.

Awe nos tin un par di potret di apertura ofisial di biblioteka di st. Antonius College. Tabata un mainta masha ameno ku alumnonan, mayornan, sponsornan i e personal dinámiko di e skol bou di gui dia e tin di maneho. Nan a gradisi tambe e eks direktor di skol ku a kuminsá pone chispa pa e proyekto aki logra.

5 aña a bula pasa i Rk a trahando un plan strategiko nobo. Nos a kuminsá ku tur nos timnan di maneho pa asina nos por tin e plan aki pa promé di yanuari.

Pasa un fin di siman agradabel.

Riba roster

Rk a kuminsá ku reunionnan pa un plan di maneho nobo.

Riba e potretnan e timnan di maneho di skol di fundeshi den diskushon pa un plan di maneho.





Den agènda

Fakansi

21 desèmber 2015 pa 3 yanuari 2016

Mi ta konta

Herensia di su wela

Jerrel tabata kibrá. El a kaba di bisa Patrick, su yu na Hulanda, ku su mama a fayesé repentínamente. Dolor inmenso, e sin su kasá i su yu sin su mama.

Pero no tin tempu pa pèrde paso mester regla entiero i e biahe pa Patrick bini ku su kasa i yunan Kòrsou pa entiero.

Dianan a bula i e famia di Hulanda a bin Kòrsou pa entiero pero tambe pa sostené Jerrel.

Den su tristesa Jerrel a keda kontentu ku espesial su nietunan su presensia. Esta hopi energia nan tin i nan tabata yena kas ku hopi alegria.

Mucha ta keda mucha i e nietunan tabata kontentu di ta na Kòrsou. E solo, laman, kana pia abou, kore den kurá. Nan a disfrutá di un par dia dia inolbidabel.

Dia a yega pa e famia bolbe bèk Hulanda.

Niun hende no tabata kier a despedí.

Opa Jerrel tabata tristu kòrdando e soledat ku e tin ku enfrentá. Patrick i su kasá a bai laga Jerrel ku duele. E nietunan ta blo pidi pa nan keda Kòrsou, paso nan a bini anteriormente na edat mas yong pero awor nan a yega un edat ku nan por a disfrutá i apresiá Kòrsou su ambiente muchu mas. Nan a pasa dianan ta kore den kura, ta landa i hasta a bishitá i konose masha famia. Na èrport Jerrel a brasa su yu i nietunan ku awa na wowo. El a brasa Riana, su nietu mas chikí di 4 año duru i a puntre: "ki dia bo ta bolbe bin Kòrsou ?" Riana a pensa un ratu kortiku pa depues duna su kontesta: " Dia opa muri?" Jerrel i Patrick a keda paralisá. Nan a bira wak otro...despues tur dos a grita hari sin por a stop.

Nan dos a konosé nan defunto bon, nan sa ku e kontesta aki ta algu ku sigur lo a pone hari sin por stop. Nan a brasa otro i Jerrel a bisa Patrick: " Riana a keda ku tur herensia di su wela".

Un preñchi

St. Antonius College a habri nan biblioteka ku fiesta. Masha pabien na alumno, mayor i personal di skol ku e logro aki. Muy en espesial danki na tur ku a kontribui ku sosten i yudansa, ku material of sèn pa logra esaki.







Mucha djispou

Rene ta splika su yu di responsabilidat pa su edukashon, pa bai skol i duna 100% di su mes.

Rene: " bo mester tin mas pashon pa eduká bo mes, pa siña na skol".

Su yu a keda ketu wak su dilanti mientras e ta pensa:

" mara papa ke sa ku ora e lantami pa bai skol, mi tin gana di sigui drumi un tiki mas.

Anto ku despues di lanta for di mi kama e trahou di mas difísil di dia ta pa haña 2 pia di mea ku ta pas.

Kon mi ta hasi splike ku topa mi amigunan na skol ta e parti mas dushi di dia.

Haña proefwerk inesperá ta e parti mas trágiko di skol.

E notisia mas agradabel ta ora nan bisa ku yufou no ta bin skol.

Mare tur dia ta wikènt ya mi no mester tende e predikashi aki tur dia.

Pero mi no ta kèns, mi no ta bise mes loke mi ta pensa pa e bla bla bla aki no bira mas largu”